



12228

方泉先生詩集卷第三

陽穀周

文璞晉僊

瞿塘神君歌

黃衫紗帽佳少年炯然餓虎窮山淵不居秦鹿  
祖龍畔卻走碧雞金馬邊左手斜執巨靈鑿右  
手敬抱禹貢篇離堆順流已受命一下不打天  
吳鞭有時挾彈莫雲表有時蹴踞春風前有時  
卻自著絳帕走入藥市尋神仙爲人定似李太  
白學道定似葛稚川孫翁走避乖崖叟遣僕送  
畫不取錢神君廟食與畫像千古萬古當流傳  
我昔夢上神君殿偶值蓬萊衆眞宴洛陽開盡  
姚黃花銅駝陌上難相見

清明日書事

蒼弁一如楚執珪思想越吟身自低澗水又如  
古智士縱橫流轉多滑稽雜花半開已倏落如  
怨曠女離深閨幽禽自呼復相命如譴逐魄傷  
窮棲而我自是不羈者行行踏破青萋萋今回  
蕩槩茗雪溪與野老輩相扶攜園池亭墅游歷

遍自對蜀錦傾偏提興闌徑走歸弟舍同沃浮  
蟻烹村雞百五之後最寥閒獨過趙灣西復西  
野夫不知時節換但要熟醉如春泥

雲根

雲從會稽生旦旦見伯禹聽讀山海經成龍不  
成虎禹命雲歸歟可命叢山去昂昂王內史眉  
宇照今古常在此盤旋深藏無處所王孫江海  
人雲根自栖霞招邀玉葉來以石爲伴侶既從  
衣上浮只就茶裏煮不入晉家池有作秦望雨  
兩儒一支郎不學世閒語吳儉哦五字坎壈酸  
澀苦併送山中人約束雲下取

聽琴

向人猶抱舜文弦可煞書生不值錢彈出履霜  
空作惡一林風露已鳴蟬

寄友人

流落他鄉鍛羽翰半年寧復記悲歡夜傳樓鼓  
思城角朝見江船念客鞍不恨形骸老閭里遂  
令脣舌滿長安寄聲好在文章友目送春雲自

倚欄

雨

雨意遽如許雲容亦可憐  
聲聲總斷續滴滴更  
勻圓道院燒香地山房  
焙畫天故園無恙否潤  
色到瓜田

陰山

陰山祠下月如霜不爲吟  
猿斷殺腸折得橙花  
無處賞帶枝分與棹船郎

新亭

方泉集卷三

三讀書齋正本

諸君收淚已無言煙外中原草色昏  
老子歸來坐廊廟短轅車上欲消魂

法寶寺

細竹千竿殿影斜龍顏曾此著袈裟  
寺樓杳杳鐘聲度疑有宮娥出晚花

戒壇

相君孫女小乘僧身入祇園佛律行  
三級戒壇秋色冷箇中螻蟻亦長生

桓野王畫像

胡牀三弄清溪笛嘆息歛歛太極箏  
悵斯人風味減江花江草不勝情

玉晨觀二首

野筍衝泉出山花避石開  
余方有公事不爲等閑來

羽扇臨元寺霓衣上醮壇  
九枝松葉冷千葉杏花殘

寒食有感三首

生平參道術師事大茅翁  
持鑰開金匱焚香立

方泉集卷二

四讀書齋正本

玉童黃麟來地上朱鯉出江中  
今在桁楊畔依依睡晚風

清明好時節傲吏小詩家  
失意因流水傷心爲落花  
人歸知市靜日落見山斜  
明月三叉路村醪亦自佳

亭午步江臯誰云命不遭  
愛風吹蛺蝶怕雨爛櫻桃  
鑽火烹新乳槌門覓小槽  
今年奇事少塵滿舊征袍

桂

偶向花邊立，懸知病已瘳。小山今夜月，團樹滿庭秋。清露沾叢底，斜河在上頭。須臾香更好，還與碧雲浮。

自笑

自笑蕭條甚，微吟坐到昏。江風來掃地，山鳥見開門。茶面龍頭縮，花梢犢鼻溫。一從杯酒少，不復過深村。

橋李道中二首

吹徹鴉笙醉碧桃，古城斜日泛輕舠。此行憶著

方泉集卷三

五讀畫齋正本

經行處，綠樹黃桑一樣高。

臥龍山下聽吟松，細雨清明似夢中。柳蔭朱欄三百尺，渴鳥猶自泣春風。

梅梁歌

文命殿角東北，左上有梅梁。鐵交鎖，傳聞舊時枝葉生。木質鱗身無，不可有時疋。練離朱拱歸帶溼，萍光欲動低頭下。吸菲嶺泉奮髯直，入陽明洞旁觀。但怪香火濃，頃刻卽令風雨送。爾不見飢鳥啄鼓來，饋食走入嵩高化爲石。襪祥禍

福倘或是陰陽幻變誰能測玉筍觀挂白玉梁  
含元追下流血柱異事苟逢博物問後來那得  
詳其故卷丹雲凝素霧玉簫九成奠雕俎登歌  
升降只仰俯嗚呼梅梁勿飛去

題胡女騎

燕山雪花一尺飛胡人胡女夜打圍海東青過  
流沙西黃頭郎主獨自歸創殘狐兔懸氈車疲  
憊鷹犬聞笳悲君不見自從石晉納書款白溝  
河濬作邊面

方泉集卷二

六 讀畫齋正本

東陽道中

野店稍頭起竈煙江雲弄色半晴天暗泉遶砌  
喧人語遠燒侵林照客羈晚日未收雞上樹春  
風欲度鳥耘田布帆無恙歸心穩纔到家山又  
迫年

鳳門泉

石根兩眼北流泉乳竇潛通御井邊飄出宮花  
人不識又浴衰草下山前

寒食曲

今年寒食好天色遊人踏青行不極尋山不憚  
十里遠往往啼號溼松柏一杯纔酌墳上土祇  
就墳前便歌舞故鄉自有懊惱聲插腰羊皮小  
番鼓吁嗟悲歡一餉閒但恨死人不能語君不  
見北客紛紛俱落南先冢盡被胡塵漫影堂逢  
節具飲食魂魄夜行溪谷山

賞春二首

滿酌黃封都市酒斜簪縹蒂御園花半酣更乞  
跳珠水獨對風爐自煮茶

方泉集卷三

七讀畫齋正本

賞春社裏鼓逢逢尙恨聲同調不同我亦明朝  
若無事更來吹笛亂山中

春懷

棠梨未落柳絲長料望幽人作斷腸已自不堪  
田父飲更能重入少年場山連莽莽荒陂白門  
掩蕭蕭野日黃想得故園疎雨外樽前催拍杜  
韋娘

暮雨

暮雨蕭蕭郎不歸尊前誰憶舊歌詞望夫烏臼



濃於染黃葉驚秋恨欲飛

卽事二首

樂使金花鼓蠻衣紫錦鞍蕃官船過界驛吏報  
平安

龍護朝元閣鶴棲封禪臺中原垂白叟只望羽  
書來

題堯章新成山堂

早將心事付漁樵若被幽人苦見招多種竹將  
挑筍喫旋栽松待斫柴燒壁閒古畫身都碎架

方泉集卷三

八讀畫齋正本

上枯琴尾半焦猶有住山窮活計仙經盈卷一  
村瓢

題盧申之羸綱圖

昔日三郎騎爾祖廟食太山可辛苦後來崎嶇  
蜀棧閒棄置龍媒復親汝深山古木雪漫漫險  
途十步九步艱綱頭呪囑勿損折要爾助軍身

補官

贈相士丁日宣

張公謂予可神仙薛顛謂予可英傑丁生謂二

皆無成世閒安有此奇絕麒麟閣上冠貂蟬龍  
虎鼎內治大丹興來一笑掃燕雲回首已自升  
雲端何如只向松江渡楊柳影邊茅屋住臥看  
蒼虬挾白雲卷取秋濤過江去

弔黥卒

吾作窮奇白下囚汝披短褐從吾遊蔣侯廟畔  
沽春酒周處臺邊送客舟械欲破時應日慘命  
將絕處亦天愁江陵柳大如知此對著官軍輒  
淚流

方泉集卷三

九讀書齋正本

楊孟博挽詞

向來洛下老書生今見諸孫更老成不復秀才  
趨試院已題文學上銘旌泛觀今古人亡限只  
有英雄命莫爭來弔乍聞妻子哭依然認作讀  
書聲

贈隱者

袁三柳大劉廿八長到先生卜肆邊便拜逸妻  
爲嫂氏更沽村酒作家筵山公馬在何須爾林  
屋丹成亦偶然獨此老身無藉賴爲他人擲卦

交錢

劍客行

燕雲逆胡著柘黃仁人烈士集太行已聞泣涕  
拜明詔共挾金輿歸大梁安得山人一雙劍走  
入雲中看不見人閒夜半風雨時逆胡首奏延  
和殿我生四十無所成荆淮好漢爲知音丈夫  
志在仁義耳麟閣貂冠非本心功成劍化兩龍  
去我亦變名入煙霧此時再拜康山人九霄客  
星在何處

方泉集卷三

十讀畫齋正本

書事

說戰猶能聽聞屍不忍過役人愁似鬼病馬瘦  
於馳甚欲參經緯其誰出揣摩中原有遺老亡  
奈檄書何

見泗州降者

纔自降胡便守邊大家齊數中興年姑蘇寺裏  
相逢處爲爾呻吟一悵然

感興七言三首

寥寥古意少人傳莫爲薰琴只五弦夫子從心

方學易我曹何意便談元神馳洙泗身將老望  
斷沅湘眼欲穿月白風清如此夜阿郎不肖上  
鈞天

在家莫羨出家僧擾擾營營竟未曾相國舟中  
龍奪劔山人琴畔鬼吹燈從來不肖尋真訣更  
自無心學大乘漢室諸公鳴玉佩也須還我一  
枝藤

夜夜推敲學苦吟一如鍛鍊假黃金石閒真隱  
何時出地下狂魂無處尋獨鶴尚知長袖舞哀  
猿空作斷腸音故墟枸菊今何似桂落小山春  
水深

題天童全老

天童寶樓閣銅釘敞朱扉一老燒香後諸禪乞  
食歸天聽塗毒鼓神捧苾芻衣說了村夫偈依  
然入翠微

送人之金陵

江山不逐寒潮晚陵墓猶含古木春君入臺城  
須訪問箇中定有六朝人

送逸人歸茅洞

三君乘白鶴各在一山椒子去穿茅洞人方采  
藥苗花連雲氣近松轉水程遙想得尋幽侶空  
歌散午朝

中秋日遊能仁北寺兩刹

輕雲漠漠煙漫漫杖藜扶行不作難無量壽佛  
像最古未曾有經碑亦殘秋花泣露顏色好客  
子著雨衣裳單題詩寫寄莓苔壁勿使俗人相  
對看

方泉集卷二

十三 讀書齋正本

贈虎丘僧道輝遊天台二首

世替碑文換穹龜上綠苔琵琶不可聽樓閣更  
堪哀竹動禪僧入梅香凍雀回開函繙內典日  
晚未歸來

少小卽精勤參禪復著文香薰瀉瀆像茶醑武  
丘墳入定山猿見吟詩海鶴聞幽情正迢遞又  
拜石橋雲

西湖卽事

閑看浮鷗棲曲渚倦隨奔鹿上荒陵松門雨過

長廊靜一架藤花供病僧

宮人斜

魂魄淒涼掩暮塵  
野花山葉自精神  
年年中使頭邊過  
暗裏相看似路人

上強寺

方池流水碧溶溶  
悵恨靈蛇不易逢  
門外行人常立看  
一株唐末半枯松

太湖

太湖我汚池  
茂苑我林莽  
橘柚我堆盤  
鱸魚我

方泉集卷三

三讀畫齋正本

登俎區區爲蘋花  
移去溪上住  
終當賦歸歟  
來此臥煙雨

寫懷二首

吾聞唐諸僧  
往往多人傑  
有攜至崑廊  
可並夔稷契  
偉哉寒山子  
拾菜衣百結  
其文似離騷  
但自寫木葉

往時陸荆門  
自是天下雄  
徒隸解散盡  
何處尋樊翁  
遂令一世士  
默默逃虛空  
至今大堤上  
葉葉皆春風

九溪十八礪

九溪十八礪冷見帝青苔洗足僧書石臨流客  
放杯案頭松葉響身畔野花開百六辭歌吹清  
遊始一回

弔辨才二首

讀了碑文讀祭詩冷看遺像立多時郎當嶺上  
生雲處山鳥山花憶老師

坡使參寥滴奠茶定將老淚溼煙霞誰知走入  
靈山隊又對閑人說法華

方泉集卷三

十四讀畫齋正本

西湖小隱

先帝何曾寵倖臣家園籍沒幾經春一丘賜與  
嬋娟魄教主西湖似洛神

麴坊

麴坊纔盡上湖船笑問雲山欠酒錢兩行柳絲  
黃不斷不知身在御園邊

壽星石聞子規二首

子規欲歸歸未得啼向錢王壽星石月明血盡  
人不知只怪曉山深似碧

莫向空山惱病僧  
莫雲臺殿異鄉人多時不識  
巴江路守著濃花哭過春

分夢泉

偷得兩泓清同他猿鳥喫  
上下泉邊身上下牀  
上客相對各相忘  
山中小花白

隱者居

密竹緣坡便當籬  
野泉入戶自成池  
牀頭一卷麻衣易更有寒山拾得詩

逸士墳

方泉集卷三

十五讀書齋正本

魂歸魄散兩逍遙  
小小丘亭慰寂寥  
守墓未須耘宿草  
白蟾方護紫芝苗

夏日偶題

溪友相呼上釣舟  
藕花菱葉思悠悠  
好詩已在  
前山寺寫放參寥石井頭

謝頤師見過

雲卷道者方晝睡  
有僧奚爲入桑杞  
惠然相過窮壑底  
共談儒流佛宗旨  
二家之風亦頽靡  
吹而颺之誰爲起  
寒灰煨芋香透紙  
呼童就鄰一



餘米作糜煮菜相料理吾窮於世無比擬殷勤  
相覓有吾子謾書七字聊送似往供天嬪泣山  
鬼

望茅山六言三首

羽衣藥叟歡迎手執蘭花共行從此十年不調  
可能久視長生

昔年唱采芝歌已老頭顱奈何不見鸞輪碾處  
白雲出沒常多

蔣家兄弟清古著書互相推宗搏土劃沙戲劇

方泉集卷三

十六讀畫齋正本

穿岡度嶺從容

寄山中道友三首

玉函捧上五雲堆著意通幽此一回三十年來  
增悵望更無入上望僊臺

忿忿山信寄來時中有黃庭七字詩已死華顛  
無覓處幾回吹斷玉參差

憶得尋山復出山綠楊時候莫春閒至今只有  
游仙夢長與松風自往還

初營鳳山

香草參差種幽花逐旋移既添醒酒石須著放生池春在年年好山來處處奇吹簫吾不解長嘯卻相宜

梅谷

香焰雲頭玉雪身緩行微詠岸烏巾始從谷裏看脩竹卻向水濱逢麗人客子去時方得月嶺猿啼後便無春鳳凰欲下簫聲緊狼籍瀛洲萬斛塵

法華小隱

方泉集卷三

十七讀畫齋正本

偃蓋著地臥清瑤傍渠走散入流觴臺轉若珠曲九淙淙不知休還赴石鯨口灣環合巨澗橫橋傍蒲柳來看莫春竹衆綠濃似酒摩挲蘇陳刻愈覺歲月久寺僧愛光焰捧送貴侯有至今星散居各自開戶曠自棄眠雲身誰縛釣月手夕陽令我歸爲爾重搔首

既離洞霄遇雨卻寄道友

凡骨何堪得再行渴心猶要謁通明驚聞竹樹連山雨疑有風雷掣地聲鹿啖黃精知歲久人

逢青箬便神清重來只要齊盂飯副以常堂枸  
杞羹

題曹武帝削瓜圖

阿瞞瓜分姿見之垂髻中此心旣弗乂此道安  
可洪漢祚旣墜地餘子方困窮仁義儻自唱歷  
數豈不同挾令及宮闈殺士延奴童至今弔古  
徒哀痛殊未終實以己偏仄遂令彼長雄畫圖  
出後世略見經營工想其鼎峙勢亦天誘其衷  
此章弗徒歌聊以禪國風

方泉集卷二

方讀畫齋正本

題蔡武伯所藏荆公硯

獸面鼎足奔回玄中有潤澤比雨露當年曾出  
富國疏老子平生用心處帝謨商頌周六典刻  
畫聲形勞解詁至今文字與風騷一一相輝炫  
細素如聞四海失枝梧可憾諸公欠調護誰令  
天乎遽如許可是石也能無預陳元同歸蔣山  
路亦使高人野僧覩若爲持入定林中應有明  
雲入天柱吾鄉風流蔡夫子匣而藏之美無度  
君不見公卿後進陸象山作祠堂記餘千言直

欲百世俟聖賢惜哉不得銘此硯使我失意心  
惘然

歸別墅

幽棲久不到猿鶴擅藤蘿叢篠生將遍流泉咽  
更多鄰翁新釀熟野寺暮鐘和亦有經行者來  
觀倚杖歌

早起

佛香纔了換儒巾身是人閒自在身一路野花  
清養日半溝流水靜怡神

方泉集卷三

十九 讀書齋正本

雨宿山中

畱連如有情蕙帳極空明晚粥知泉味昏鐘度  
雨聲稍容林叟睡莫放曉猿驚剩欲剗苔蘚應  
當寫姓名

再遊九溪

昔年九溪十八澗今度見之逾清真靜依落落  
石路晚閑繞寂寂山家春可憐潺湲似畱客更  
覺曲折能隨人得得杖藜來盡日野棠山杏亦  
精神

偶題

海氣江聲相與浮  
今時帝里舊杭州  
西湖寺裏多金碧  
自厭穠華不肯遊

送人之官巖陵

如君風貌又精神  
自合拖紳近紫宸  
平地有心開洞穴  
十年無俸著閑身  
已看青舫垂垂去  
須憶緋袍灑灑春  
若向元英臺下過  
爲言亦是學詩人

與弁山道士飲

方泉集卷三

二十讀書齋正本

采茗歸來日未斜  
更攜苦菜入仙家  
後園同坐枯桐樹  
仰看紅桃落澗花

不欺齋四首 皆爲陳將軍孫作

陳兄榜名不欺齋  
不欺本自誠中來  
晚周洙泗漢伊維  
中閒此道寒如灰  
不欺齋中一尊酒  
兄乎此意差耐久  
真情往往到僮僕  
何況親知與朋友  
君不見湯脫胡桃一語失  
此是迂翁年少日  
陳兄再拜吾事畢

望雲亭

淑氣槃槃接九原須臾鱗合更瀾漫自從蒿里  
無顏色來到鍾山有淚痕往者英雄俱雨絕後  
來哀痛欲河翻夜深月照長松下誰見孤飛出  
墓門

敬思堂四言

有亭中央高丘之傍父兮母兮堅深埋藏厦屋  
淒涼宰木成行春秋蒸嘗酒漿牛羊身體俯偃  
雖勞弗彰心志替亂雖煩弗揚欲求幽陰茫茫  
洋洋兩閒四方實繫我腸何以照之明神后皇  
凡今之人誰同慨傷

方泉集卷三

王讀畫齋正本

陳將軍哀詞

扞環城兮保赤子歸王所兮執弓矢雖有妻子  
兮不如兄弟嗟全家兮南向而死護行殿兮臥  
旗鼓統伍符兮莫余侮故宮蕪兮胡作主哀將  
軍兮鬢垂素氣力絕兮委塵土後來孤童兮不  
勝測楚天陰陰兮春寂寂曰余兄兮有廟食偕  
友于兮往作配駕鐵駟兮載雲旆山中人兮望  
余歸江颺翔兮花亂飛

弔清溪姑詞

青溪之濱有小廟焉相傳以爲溪神蔣子文之妹也旁二偶人陳叔寶宮人也癸酉歲或言有妖据之郡太守毀三像於溪中而犁其廟彼亡國妃嬪可棄也姑不可棄善惡無別而廢者古今不可勝數也何獨此哉因感之爲弔詞曰

投余兮綠波彼土偶兮奈何余魂兮無依依余兄兮山阿兄姿兮甚雄青骨兮朱弓稱天兮訴余冤兮讒夫兮不終

方泉集卷三

三讀畫齋正本

水仙廟鼓吹曲四首

水滄淪兮不揚山嶽岑兮多巨石神來下獨春仰昂神遠適王孫的咳神無亟兮

倚碧櫺款銅鋪德星在南烏尾逋兩峯隱天花深草蒨錢唐十餘萬戶皆看史君歡娛雖涉流沙歷炎都入醫無閭不如東吳

龍飛天門雞鳴日觀湖州有鶴知夜半端冕結纓鋒車施幃瞻彼孤山男呼女怨欲裂冕毀車

春榮秋枯無翁愁予

雲冥冥雷闐闐橫玉轉流珠乾靈龜入我夢謂  
君當旋旣窮海壖之炎天當飲山中之流泉

招魂

天孫召魂鬼伯催促千歲之淵不爲谷巉崑旣  
刊松柏桓桓曰惟君之魂於茲考槃其永安君  
窆初成余以歸藏筮之其兆蓋如此也嗚呼休  
哉

方泉集卷三

三讀畫齋正本

12228

方泉集卷三 畢



